



宛委山人詩集卷五

山陰 劉 正誼

揆珠集

踏燈詞

綺燈寶炬燭天明
金管瓊簫夜滿城
一片香塵如霧起
懨懨殘醉逐人行

寶馬香輿隘市廛
鷓鴣姬稚子笑摩肩
自來說有長明樹
此夕方知不夜天

小巷長衢是處春
青帘店口騎鱗鱗
歡呼燭影簾鉤底
半是詩人半酒人



紅紗冉冉導娉婷暗裡惟聞百子鈴底事雲鬟驚
欲隨不知地上有流星

碧空雲淨月澄澄初霽青天覺一升自是踏燈忘
看月番嫌月色不如燈

珠箔誰家十二樓闌前絳蠟似星稠隔花遙見鞦
韆影冶袖長裙在上頭

粉垣朱戶對紅橋蘇小閒粧坐綺寮忽有鶯聲花
上落教來花下聽吹簫

早春讌集宛委山即席

淡日輕煙淑景新千層錦浪疊芳津綺尊特到風

流地彩鷁重聯作達人岍草嫩霑昨夜雨山桃小
放去年春最憐四美今朝具都是西園画裡身

神禹陵當流水隈鎮南祠在萬山堆沿堤玉勒翩
翩駐一路金釵欸欸來人若無心行樂去天應未
用遣春回陌頭幾日東風起不見殘梅滿碧苔

歷歷蒼松間赤松登臨真欲豁心胸千灣綠漲春
前水萬點青攢雨後峰安得仙重來射鶴誰知梁
竟去飛龍攀藤祇愛搜金簡惟有寒雲是處封

名山勝友騁歡娛盡是三君與顧厨小疊蠻箋矜
險仄遠搜漢碣歷崎嶇真堪游目新烟景未免傷

懷舊酒壚

謂故同學商孝廉

勤語諸君須愛日一番紅雨便

春徂

題東坡笠屐圖

儋州遠隔南海外颶風瘴霧爲人害天教僻壤識
斯文故縱東坡開草昧築垣葺舍倚枕柳放意行
歌無芥蒂興來偶訪黎子雲歸路時逢雨滂沛蹠
躩笠屐假農家博帶峩冠視如蛻此圖仿自李伯
時重撫鵝溪見真態高懸齋壁覩鬚眉出塵逸韻
千秋在

即事

東風晚晚畫樓前小坐閒階思惘然社後寒輕來
紫燕春分夜靜泣紅鶯聲聲長笛花如雪點點晴
山柳作煙忽聽牆西喧笑語靚粧人正架鞦韆

晚春全王芥山

佳齡

郊外分賦

結伴青郊外披襟對碧空馬聲芳草畔人影落花
中山結浮雲白江流返照紅悠悠春欲老不勝戀
東風

懷素堂臥病

一片青山沐雨新扶疎竹樹綠盈隣誰憐小閣舍
愁客尚憶遙村卧病人画榼銀燈情契濶金鱗玉

雁信因循王孫莫爲塵緣悞瘦損掀天揭地身
青蘿覆屋水間村知汝無慘獨掩門綺閣宵寒怨
月魄盡闌春晚悼花魂情深足使三生累愁重因
容二豎尊憤有紅巾珊枕畔一函珠顆是啼痕

舟行自鏡湖至沅江即事

雙槳出南郭御風行泠泠一水明如鏡照我何空
靈我心本無穢與水堪忘形長橋跨野岬短竹繁
修垆高閣放翁宅敗砌臨雲汀小岫知章里亂草
圍山庭忽然曲港外十里春田青垂楊翻翠浪野
卉傳幽馨綠陰來紅女垂袖行娉婷採桑露皓腕

雙目無心停小奚進画榼美酒傾銀瓶滿盃浮山
影舉首如環屏夾舟相對立林壑幻杳冥不知中
何故熟游如方經挈榼起策蹇去去之蘭亭

過香雪廬舊居題壁即贈李建亭模八首

當門一曲水清漣小徑如弓花草妍構屋不多惟
匠意雕牆要細豈論錢微風春檻香長繞片月秋
堦冷獨懸最愛回廊閒縱步滿懷詩思起無邊
修織屋後繞檀欒挾雨鳴風入耳寒但遇良晨邀
客至儘排美景與人看數間亭下厂形屋幾尺池
邊卍字闌應是海天最秀窟神龍尚有此中蟠

橫斜疎影百株梅如月窓中似玉開抱霧飄烟臨
碧水和風雜雪點蒼苔時憐長笛樓頭落最憶清
粧夢裡來綠葉成陰子滿樹尚教人不禁低徊
十五年中秋復春曾斯廣厦借安身余僑寓廬
中十五載高樓
二六清於鏡鄴架三千淨似銀綠醅酣吹裂石曲
紅燈嬌擁弄珠人不堪重省當初事燕子鶯兒又
斬新

誼也初非楊子雲門前問字昔紛紛早春鬪酒經
花謝侵曉論文到夜分草木有情應念我烟霞無
恙盡還君為余頻看隣家柳一種風流最出群

廿年海內覓良儔才品惟君兄弟優棣萼風前連
理發瓊枝月裡並肩抽池塘草自生佳夢桃李園
堪任夜游不識秦關半萬里歸來何日話離愁謂
令

兄覺
菴

情根吾輩本難消心事知君不自聊命比東墻才
子薄心傷西閣美人遙繡簾何處尋蘇小金屋誰
家鎖阿嬌歎息一庭花落盡悄無人坐可憐宵時
建

亭新失
愛姬

從來洛蜀茂才華吾越風流竟可誇傳粉是誰頻
在座謂筭
山籠鵝有客日看花謂素
堂天星聯度占斯

地巢鳳群飛集此家

謂詩巢諸同學

幽絕隔墻梅影下一人

吟倦手煎茶

謂令弟禹川

酬素堂見寄即次原韻

初夏苦黃霽閉門坐深院陰晴朝暮殊天學人情
變屋角煙千重檐端雲百片奔流繞床頭湯湯如
激電契濶金蘭交冷落文酒讌病豎未能驅愁魔
不可餞忽接王維詩清淚垂如霰深谷苦吟生寧
敢親時彥友共青松枝隣結紅絲硯而獨得先生
高情時注眷一讀明君心再讀覲君面三復生清
風兩腋冷然善焚香細吟哦百回不知倦如彼雙

南金千錘復百鍊如彼九品珠千聯與百串試示
波斯胡亦令銀海眩吁嗟我王郎五色胸中絢結
交盡四方讀書窮萬卷虛懷猶自疑博古云難徧
不見眼中人嘒嘒徒村諺君才且自慚才名誰敢
擅我知王郎心詎愛當時羨必欲傳千秋誓心如
折箭七尺生人間寧徒寢與膳出山建勲名入山
成著撰與君同此心所傷尚愚賤

納涼用家弟

元球韻

納涼偶憩画亭東亭外青山看不窮急雨忽來天
罩黑斜陽乍返地鋪紅小池鷺浴瀾漫水遠笛人

吹掩冉風獨舉清尊對碧落讀書聲出綠陰中

題畫冊

寂莫蘭閨秋影虛蕭蕭桐葉滿堦除不知邊雁雙
飛落曾寄盧龍塞外書

美人看雁

秋葯盈盈被曉風錦裙彩袖勢飛空神妃何事凌
波去腸斷陳思一賦中

仙子凌波

憶青未了閣寄徐平原

東

青未了閣盈眸青文窓繡箔臨煙汀曉山一點含
薄翠花塍十畝吹幽馨小橋曲沼紅闌繞朱絲繩
密搖花鈴我昔相逼不數武時時握麈吟芳庭班

家才女思綺麗

謂昭華

珠裙玉珮聞玎珰碧紗幃每

成新句仙曲亦許人間聽於今濶隔偶駐屐安能
似昔終年停欲請主人給短鐻不辭勞苦為畦丁

舟次

青山暮烟濃白塔寒雲滿汎汎輕舟來夾棹茭蒲
短舟子能作歌小僕能吹管歌吹娛主人沿途聲
不斷嗟我漸壯年百事徒疎懶何不勞轍轅四方
席無煖何不入巖谷千秋書獨纂終年山水間吟
哦恣放誕一笑謝群鷗欲別烟波伴

送謝明府春洲之江南

之子江南去輕帆掠水孤寒煙芳樂苑涼雨莫愁
湖醉掃如椽筆吟掀似戟鬚故人一夜夢先已到
三吳

新涼次答素堂

高樓獨倚盼層穹烟霧俄看合遠空一架藤花紛
受雨千條楊柳亂迎風炎威似寇驅全退詩思如
泉引忽通此夕愁城真欲破偏師何用復教攻
藕花池畔舉清卮入水雲霞簇錦奇艷曲要平人
檀板按瓊簫何處玉樓吹夢為蝴蝶翔書幌坐看
鴛鴦擾釣絲一幅衍波勞遠寄飄然誰得敵新詩

避客

避客欲求靜塵累牽如何身同驚彈鳥一月三移
窠易地戶嚴整私祝喃喃多但求同心客來此頻
婆娑紛紛妄俗子隔此如天河

題范文嗜易軒

詩老臨溪舊草堂竹開三徑引求羊閒雲冷浸盈
篙水密樹低圍幾尺墻小坐人凝蕉葉色頻來衣
透藕花香研磨數卷晶簾下安樂窩應未可方

寄石庭

銀草金雲支遁才芒鞋小踏軟塵堆漫衝萬水千

山去且使群鷗衆鶴猜屈指已看兩月盡凝眸不
見一書來桐山舊日跣趺處幾片青青長碧苔

題小影

策蹇飛花夾路迎小溪琴劍一肩橫看君不是烟
霞相底向雲山深處行

老樹秋雲結不開鶴飛鹿駐豈天台茅廬知有焦
先在小騎輕裝特訪來

早秋自遣

寂寂蓬茅滯此身惟堪書卷與相親夢中猶見顛
狂友鏡裡誰憐銷瘦人曲沼雲天夏色改小樓風

雨夜涼新但期日少塵緣擾正好尋詩賀老濱
懶隨時輩共爭名祇愛高眠絕送迎倦體忽輕知
暑退吟懷乍起覺秋生半窓月上梧枝影一枕風
翻藕葉聲遙憶天涯飄泊客尊鱸從此漸多情

為西來書扇

我每疑徐穉生來自十洲摛思雲欲湧搖管月能
修玉軸環髻几金釵繞画樓新從京國返誰善訴
離愁

過安世書室示令嗣綺墅 元極

半畝叢篁翠壓門著書人遠室空存新蒿里結當

宛委山人詩集 卷五
年恨舊酒鑪消今日魂小閣青環秋嶂影疎簾紅
漏晚霞痕誰憐楚楚麻衣子手抱遺編聲暗吞

笥山以歷游草相示有之廣平過夢得故
里見懷又之清河過劉伶臺見懷兩作感
知已之情深作長歌以奉答

何郎與我吹埴箎行如伯仲肩相隨我與何郎盟
車笠坐論今古心共質饑驅浪逐南北塵愧我不
能安君身去年曾上薊門道片石道旁卧秋草摩
挲知爲夢得居潜然淚下心思余今年曾渡黃河
口突兀高臺凌北斗襟懷如此誰能同念之惟彼

雲仍中揮毫一一成佳句我與前人皆奇遇前人
原爲不世才如余小子足道哉感君無日能忘我
但擬兩賢意竟左詩豪酒聖應相驚九泉大笑何
先生

題小青禮大士圖

一捻纖腰起復傾私將心事訴分明身同楊柳偏
宜曲恨與山峯共不平卿是佳人真薄命我非才
子奈多情慈雲未爲凡間便那得青蓮並蒂生

云願將一滴楊枝水
洒作人間並蒂蓮

全查軒訪友暮歸舟中即事

人向蘆洲訪舟從蓮渚歸殘香尚拂袖寒氣欲侵
衣霜白林偏赤山癯月倍肥扣舷同檢韻夜火滿
漁磯

送家鶴亭兄 奇齡 北上

才名喜獨冠千軍 時兄以第一人登浙榜 別袂崇朝悵欲分花

樣難同應惜我嫁衣先着劇輸君他時夢合通春
草此日愁初結暮雲六幅蒲帆雙槳發空江霜葉
正紛紛

獨坐

獨坐蕭然齋西風搖哀柳殘書倦遮眸香醪恐離

口寂寂度青年真為鄧禹醜如彼怨曠人孤處誰
其偶歎息五鳳樓閒煞能修手

續無題

采將秋實與春華背立東風祇自嗟夢度銀河探
織室身辭瑤島隔仙家珠簾燭炮斜通月綺袖香
霏艷捲霞為道羅敷心不變桑陰空駐使君車
嫣然一笑媚俱生小疊紅箋賦定情疎雨歇時殘
夢續落英餐處暗香盈拈毫欲寄黃姑札度曲空
傳碧玉名祇有銀簫堪寫怨倚闌吹出斷腸聲
羸女樓中賦大招簫聲已斷夜迢迢鴛鴦製錦和

夕陽山入詩集 卷五
愁度鳳蠟攤書帶淚燒入爨桐焦空索響當門蘭
萎尚鋤苗蛾眉縱好多謠詠長負魚羹手自調
塵壓釵梁嬾上頭藏闔射覆事俱休斷雲似障還
遮夢細雨如絲但織愁紈扇持來慵戲蝶蘭舟蕩
去不驚鷗拈毫染翰多珍惜官向花間浪唱酌
不比昭陽入選時傾城原是少人知画眉別貯南
都黛勻靨羞分北地脂豈有丹青傳窈窕曾無羅
綺護嬌癡新來譜就銷魂曲擬托紅牙付雪兒
顰却無端笑亦微懶看花事鬪芳菲好風不爲傳
瑤瑟明月空勞照錦機漢殿髻高曾學綰楚宮腰

細可勝圍玉樓十二還堪憶願得身隨彩鳳飛
蓬萊消息近如何曾記飛瓊共踏歌燕子爭營南
國壘鷓鴣甘謝北山羅焚香自喜添心字却扇誰
能送眼波春到曲江花萬樹水邊空說麗人多
香車謾度小長干白紵春風調久殘已分閒心隨
落絮空憐竟體佩芳蘭陽臺薦枕朝雲散舞殿更
衣夜月寒幽怨誰從絃上聽銀箏斜抱不須彈
風吹梧葉滿銀床星漢雲迷路渺茫綦縞着殘還
自潔鉛華消盡亦生香編摩新譜拈紅豆珍重遺
珠佩紫囊底事閒愁長似綆轆轤終日轉柔腸

宛委山人詩集 卷五
遙憶乘雲禮嶽宗，真妃玉籍紀仙蹤。
金鋪歷亂曾微步，珠箔玲瓏亦暫逢。
采藥芳洲閒依鶴，耕烟瑤圃笑呼龍。
無端悞落朱塵裡，弱水茫茫隔幾峰。

即景

黃葉碎零如雨，青山遠亘疑雲鏡。
面盈盈一水，鴛鴦睡皺波紋。

錢選老子出關圖

調刁霜後鳴寒風，冷黃秋菊參嫣紅。
獨披圖畫，短榻吾見老子真。
猶龍長髯禿頂，目眇矐巨牯蹠。
躡如青驄杖頭高掛五千字，欲出未出秦關中。
錢

君如何昔着筆，乃爾仙氣凌長空。
牛亦鬢鬢饒逸致，全捐俗態隨仙翁。
人間奔逐勢利子，誰能及此牛從容。

五字城訓內弟章白坡錡即次原韻

繚曲蝸廬五字城，紗幘寒月上初更。
偏師秦系休相阨，斷送吟鬚又幾莖。

姻好劉盧世共聯，論心角藝更歡然。
文章縲就真成錦，輸爾青絲正少年。

合沓偁山碧玉鐡，靴紋湖水綠於藍。
期君改歲來相就，吟煞春風白石菴。

大雪

飛雪漫漫天影頽閒披鶴氅獨徘徊玉龍戰合鱗
紛墮粉蝶群迷翅雜來江路斜封無客過林梢細
簇忽花開團茶風味休嫌淡慚與姬人豈雋才

飲家厓山叔翔鴻閣賦示家弟道

我不愛游金谷園亦不愛訪桃花源翔鴻閣中一
駐屐使我萬恨千愁諼繞閣梅花數百樹暗香醺
馥浮盈門修竹千个繞簷翠湘君點滴留啼痕磔
砢多節松成叟塤蔓喧葉桐生孫清流一曲明於
鏡玉臺低俯波云云先朝相公開綠野誅茅結構

摹山村

閣本朱文懿宅

臣叔不癡購葺治崇臺曲院逃塵喧

吾家別墅俱已矣芙蓉書屋

先大司馬公別業

自牧軒

先太僕公別業

亭池樓榭那可問空多蔓草縈顏垣叔兮擇地真

可喜近聖人居親忠魂

閣邇學宮及先忠顯公專祠

嘯嘖一林禽鳥

聚蒼茫四野烟雲屯余偕群從三五輩時時留此

忘晨昏憶昨春光尚艷冶落花飛絮風翩翩沉酣

醞醕偕康樂

謂鶴亭家孟

醉捉花影眠花根霏霏雨雪歲

忽晏來吞紅玉梅邊樽阿連索句狂潑墨發興高

於山崑崙

懷南原都中

太息離群久崢嶸歲又闌短檠還獨照長鈇向誰
彈鳴雁一行過蒼山萬疊看相思曾有夢歷歷渡
桑乾

軟塵高十丈疲馬日何之若過金臺望應生蔓草
悲鱸殘秋後膾蓴冷雪中絲獨對一樽酒論文定
幾時

題畫

山邊黃葉路溪上白鷗波好景漁人占斜陽枕釣

簑

微雨過江村竹樹多深秀爲訪杜門人杖藜時一

叩

登大善浮屠絕頂口占

頓覺凌虛似羽輕環看城闕接郊坰河分縞帶千
條白山插芙蓉萬朶青放眼滄溟沉夕照振衣霄
漢摘明星半空忽湧天風起吹響松濤倚檻聽

題王阮亭先生漁洋集

詩亡四百載僞體競相沿自有新城出能將古調
傳才情超似聖標格澹如僊一瓣香相奉寧憂此
意偏

宛委山人詩集卷五

宛委山人詩集卷六

山陰 劉正誼 戒謀

真樂軒稿

古意

碧玉琢為環不比天邊月持此繫君襦長圓勿令缺

輓轡汲古井井華好顏色醜面君自知莫被旁人惑

衣 艷艷機中錦自矜花樣希畏將新間舊不敢作君

孤竹截為管修桐裁作琴不貴悅人耳但貴感君心

春游寄白坡鶴泉

雙開蘭槩訪千巖是處真堪駐繡帆花雨入樓勻
粉黛晴雲落水襯春衫樹成翠幄留鶯坐陌釀紅
泥待燕啣忽念風流二陸子便將近事達瓊函
綠草如烟望不窮金塘回牙路西東將歸画舫搖
深碧向晚輕風落碎紅廿載生涯依鏡曲一春心
事付杯中良晨端合長行樂惆悵佳人遠未同

過質園書室喜晤周八丈

璇瑩

商綺墅玉

行兄弟即事

小雨添波漾落紅輕舟閒熾画橋東香風一徑牽
裙屐引入疎寮曲閣中

飛花滿地舞廉纖穉柳垂垂覆短檐燕子呢喃鶯
現晚吟聲一片出湘簾

飄灑垂肩萬縷絲人來迎笑下芳墀玉溪老去風

流在猶愛鴛鴦錦瑟詩

時周丈見余扇頭香奩詩盡錄其韻留和

終年兀兀守青氈一日偷閒足當仙笑殺玉籠暫

脫鳥私來花底葉中眠

時綺墅初歸自館故調之

學書學劍總無成滿路迷陽苦欲行春夢昏情迷

不醒蒲牢忽落枕邊聲

時余與一他事玉行
進言相規心甚德之

竹中巢題壁

一艇來停綠水濱
雙扉寂寂鎖修筠
行窮曲徑誰迎客
踏破芳堦不見人
靜院寥梢雲作幔
疎簾窈窕雨如塵
似當再入天台路
空有桃花渺玉真
周圍繞屋是檀欒
青影千層壓綺闌
花欲盡時月榭冷
鶴無尋處霧巢寒
綠苔池曲涵春水
白粉墻低聳翠巒
惆悵歸橈芳草渡
閒愁百斛路漫漫

有勸余遊公卿間者口占答之

生年已三旬
寧甘守寂寞
不能離老親
而去營好

爵婦健優持家身
閒得向學晨夕潔
盤餐庭堦茂華萼
長兒度端凝
衆兒神卓犖
班舞率諸兒以取
吾親樂遠志與小草
此中曾斟酌
雲間陸士龍
日下荀鳴鶴
如此不常語
誼也豈難作

春草

最憶香山句
裙腰一道斜
入簾青有色
近水碧無涯
帶雨黏楸蝶
和烟襯落花
萋萋南陌上
碾遍美人車

獨吟

鶯梭織斷綠楊煙
飛絮濛濛落滿川
一任愁多春

不負為憂酒盡夜難眠飄零學海將投筆懶惰文
垣復掌箋時有能懸亂降仙者示余前身乃桂宮掌箋仙史今尚虛此席以待紅板江橋花似
繡獨吟行去獨吟旋

三婦艷

大婦理銀箏中婦吹瑤笙小婦解吳歆當筵奏曼
聲丈人且傾聽曲罷有餘情

次韻友人春去感懷

晴薰芳草雨肥苔是處池亭綠作堆園鳥有情歌
宛轉山花無語落崔巍櫻藏密葉嬌垂子竹圻新
泥怒長胎春去安能春復閏飛紅吹盡又重開

山中

山鳥山花勸飲溪雲溪月供吟閒向燈前蠟屐偶
來石上橫琴

綠樹陰中樵去白雲深處僧來犬吠苔堦未掃鶯
啼竹戶初開

幽谷草深鹿過空林雨細鳩喧茅屋原非塵境遊
人疑是桃源

葛巾對月漉酒瓦鼎臨風煮茶索句時行樵徑借
書常過山家

坐看長松落落卧聽飛瀑淙淙野卉紅遮谷口新

篁綠上山窓

林下把詩過日花間呼酒澆春小住溪山作主便
教魚鳥親人

商五 元栢 招同仝學諸子讌集曹山即席

分賦

垂楊繞屋鳴新蜩空齋枯坐方無聊吟伴駢肩齊
過我嚶如蜂集趨晨朝或攜阮生登山屐或負唐
子投詩瓢或側烏巾岍青幘或衣白袷颺輕綃云
當曹山寫游興扁舟商子相招要繞門山邊極四
目夾塘水面飛雙撓到山群躡兩不借高登巘嶮

窮幽寥隔村千樹濃綠葉平田萬頃搖青苗拏舟
水宕泛清泠淙琤鎗鞞如簫韶石梁飛駕障碧漢
下垂綠髮生天天幽異真從鬼斧鑿瓊瓏直係神
工雕俯水樓臺小憩足画檐蔽日雲盈寮酒卮殺
榼正羅列共救游腹如匏枵興酣有客歌白雪鳴
鳴座右吹瓊簫咄嗟商生湖海士耽吟嗜飲齊檀
超人生莫因世網縛豪氣噴薄青雲霄越國倘無
我輩在有佳山水應蕭條時人不識倘相詬總如
桀犬咻神堯劇談狂飲天忽暮斜陽晚晚銷山椒
聯袂共返城東路一篷涼雨鳴蕭蕭

五字城讌集書所聞寄素堂

五字築詩城千杯縱酒兵狂吟令墨舞轟飲使天
驚風片吹花細烟絲掛柳輕笑論王內史忙煞似
春鶯

往還種玉地來去采蓮溪花密偏難折雲多不可
攜馬卿長病渴杜牧竟春迷日日香街上旁人數
馬蹄

綠波芳草岼紅板小香橋有美天生艷無人手可
描天桃鏡上面弱柳帶中腰誰得珍珠聘濃愁自
此消

預想中秋後粧樓盡錦鋪玉交杯並醉金鏤枕相
娛作意趨新婦回眸喚老奴傾城配國士曾有幾
人無

夜飲樊川別業即席

犬聲如豹華子岡有客有客尋王郎主人見客不
通語大笑捉臂升蘭堂斯時天色方薄暮一村萬
樹含斜陽入戶遙山霧籠紫沿堦流水烟飛蒼堂
前落花滿地舞紛如紅雪飄回翔枝條斐壘綠楊
柳風流踈地垂千行低捲湘簾明月上高燒樺燭
清筵張紅樽綠樽競勝負大戶小戶爭短長我思

昔歲偕同調通宵此地娛歡腸日月雙丸運草草
僂指不覺五年強何髯琴劍滯吳地玉徐陵踪跡
羈維揚年羅浮美人念田易文園病客憐朱昂
長人生聚散真難定幾人今日猶居旁主人顧我
歎復笑又羅小隊來彷彿細箏短笛歌屏底酣傾
百榼兼千觴聯吟揮盡十丈紙高歌響徹千步廊
豪氣欲奪舞陽噲幕天席地頃頽唐同聲笑向主
人請宵假曲彙花間牀

禹陵歸舟過香雪廬喜晤祝仲待鈔傳孔

木

王雯

王雨楓

霖

商今素

元栢

率賦

紅櫓烏篷禹穴還負城精舍息吟肩欣逢舊雨兼
新雨消受茶烟與篆烟牧笛涼吹古渡口蓮歌香
唱夕陽邊依依誰忍離群去一片垂楊起暮蟬

素堂下榻香雪廬過訪賦贈

鷓頭艇子載琴書負郭精廬暫卜居一片吟聲花
下起落紅飛絮滿階除

繡被堆床爛似雲名香金鴨徹宵焚開簾正對靈
和樹人柳風流兩不分

簌筴萬箇壓廬低三板烏篷艤碧溪盪槳連朝何
處去鮑姑家在小橋西

剝啄雙扉不厭頻但無俗客得相親我來往往調
摩詰藿飯蒲羹也擇人

書帶草堂懷舊用敬亭題壁韻寄雪堂

十年懷勝事書帶草堂中屐齒盈花徑吟聲徹綺
櫳縈塵看小小癖月聽紅紅思煞羅浮客屏山夢
遠通

聞笥山西來自邗上歸喜賦

去年天正寒風雪江河凍何郎與徐郎並執青絲
鞚比翼上揚州宛若雙飛鳳鳳去山巢寒愁壓同
群重二百餘晨昏瑟瑟秋光動夜靜月若霜烟昏

柳如夢有客來花間蠻箋投默誦知我兩同袍一
片歸帆共蒼苔掃百回黃嬌藏十甕時聯形影心
同探風雅頌日日哦佳詩好與樵廝諷

次韻答思亭

三載羊城客歸仍快比肩踏青錦繡地浮白畫圖
天香冷花篩雪春濃柳掛烟與君兩不厭日日喜
流連

絕世風流格超群騷雅才飄然揭步過儼是謫仙
來健筆修明月香名走迅雷伏龍我未敢愧與爾

同推

時人以伏龍鳳鸞擬余與思亭見粵
東梁藹亭太史江東二子詩集序

王謝堂前燕長棲玳瑁梁芙蓉寶帳麗蘭蕙綺寮
香蠻素雙扶枕求羊共引觴人間難得事非汝那
能當

詞囿憐長廢交情嘆久淪箇中惟爾我局外更誰
人萬里當前路千秋此日身撫肩同一笑默會不
須陳

懷建亭

我懷城東香雪廬筠竿繞屋青蒼壓中有故人李
陽冰冠白接羅烏羅袷瑤漿蜜勺盍群簪盈堂轟
飲常嗶啞我自束髮盟雞壇與之昏晨尤歡狎壹

十五春竟俄霎如雙藏劍一離匣茫茫愁塞胸何
狹蟾蜍當頭隨簾柙

題笥山廣陵春雨集

裘敝金銷老硯田搔頭誰識妬才天一千里作書
傭去吟煞鶯花亦可憐

蔓草銅駝隋苑荒玉鈞斜斷麗人香春風弔古騎
驢客實費襟前淚萬行

薄絮繁花歷亂飛紅橋翠陌思依依旁人莫笑狂
歌客渠本前身杜紫薇

客館傷心春雨多思家無計祇吟哦不知思婦粧

宛委山人詩集 卷六
樓上春雨紛紛是臉波

章刺史 文鑣 歸自滇南索句賦贈

身擁朱幡南詔中歸來喜復聚花叢蒼生應盡思
慈母太守何妨號醉翁 刺史善飲 行笈啟看惟好句宦

囊貯滿是清風披襟共話分襟事吾黨規模自不
同

嗟我沉浮鏡水邊半床斷簡蠹年年身徒忤俗成
奇物狂不名家媿謫仙門外飛花三月雨枕頭殘
夢一溪烟對君香雪幽廬下回首當初劇惘然

送素堂北上

殘雨何迷離寒風忽騷屑律律前山青湯湯流水
咽予于來紅亭含愁送遠別嗟我與王郎盟心堅
勝鐵思渠揆天才實乃今時傑萬卷恣沉酣百家
供剔抉烟雲腕下飛雷電毫端掣手築巖詩城旗
鼓建三浙時有跳梁人欲共雌雄決王郎笑莞爾
森森行伍列三寸綠沉矛一丸烏玉玦揜袖勇擊
撞瞪目豪振撇陣馬馳縱橫風檣飛飄瞥濟濟敵
國軍紛紛齊萎苾觀者如堵墻搖頭或咋舌拍掌
各歡呼盡贊王郎絕而我亦于于左提間右挈如
堂棟與梁如車軾與轍晨昏弗暫離風雅相歡悅

宛委山人詩集 卷六
尋幽千巘山隨肩登巘嶮放懷明鏡湖促膝窮寥
沈一舞一揚裾一歌一按節淵水擬情深炎火齊
心熱陡然人欲離黯然憂百結白隋傾滿觥膾鯉
而膈鼈餞飲河橋邊思罄中懷說一見神各傷欲
語辭俱拙淚落手中觥激灑觥心凸分手各西東
斜陽自明滅嗟我已壯年徒然守巖穴日送人遠
離時悲身孤子對景私歎歎獨歸行蹙躅回看十
里亭兩岼花如雪

次答海陽翁十一 玉行

屈指江南第幾賢練裙蠟屐到翩翩芳馨竟體人

如玉錦繡羅胸句似仙從不頭低於世上無端心
折在君邊水光橋影城西路莫道相逢是偶然
淪落乾坤有用身如才天最歎無因十年作客愁
相逐九月悲秋病獨親落葉成堆門外雨薄雲如
紙眼中人與君同有違時恨話對西風淚滿巾

秋日懷蔣次山 三唐

一段秋雲覆薜蘿荒荒三徑小莊窠不求甚解書
閒把無可如何事孔多月掛修梧千葉影風翻哀
柳滿簾波誰能語我同心客曲閣愁人獨寤歌

題東武山餞別圖送胡司馬 開運

一座晴巒百疊青
疎林曲閣遶芳亭
家山如此人
輕去葉葉秋雲冷
翠屏

碧山臺榭淨無塵
飲餞紛紛萃衆賓
小榼深杯須
盡醉不多時
聚画中人

之子清才世所稀
新詩脫手落珠璣
天涯他日披
圖看吟得思鄉淚
滿衣

寄厲三思晦都中

蕭瑟涼風江上樓
青山日落暮煙稠
殘荷入水飄
成恨短笛流雲散
作愁樹底聲繁蟬
別夏梁間影
亂燕辭秋思君昨
對空庭月夢逐清
輝落薊州

臨流

臨流費太息
一往碧迢迢
暗以韶華送
輕將翠岫
搖魚鱗浦口浪
雁齒渡頭橋
落葉秋風急
翻飛疊
小舸

送翁十一朗士

噫嘻吁吾觀地廣
幾萬幾千里
天高幾億萬
千尋
乾坤許大能容物
偏令吾輩踟躕
難安身一丁不
識東人子
錦衣繡服乘朱輪
堂上一呼下百諾
笙歌如沸連宵晨
西人之子艱點墨
青蚨坐擁千萬
緡
龐然巨體百如意
新樣富貴驕煞人
君胡不昏

夜乞哀向朱邸低眉服氣伺笑顰委曲能令貴人
 喜崇朝搢笏腰垂紳君胡不負橐入都學刀筆摹
 工百折機械心舞文弄法能欺詐黃金取得如黃
 塵奈何乎尼山夫子鄒亞聖殘編幾本留彬彬養
 成面孔改不得學成步履行逡巡有才翻江攪滄
 海無方療餓醫奇貧出門空逐風雨雪入門仍艱
 粟米薪要知世人與吾輩欲取並論原無因從來
 天道有消長與君蠖屈徐求伸今日送君贈君句
 此句出應紛搖唇問君何人為此者噫嘻吁幕天
 席地劉伯倫

紅葉

水驛山程夕照中千林葉葉戰霜風行人漫道秋
 光淡桃杏花開無此紅

江陰陳一泓均 以詩遙贈次韻奉酬

高樓入暮獨吟餘倚看青山画不如驟落迢迢千
 里雁傳來珍重八行書主時風雅肩何重時一泓選國朝詩善
鳴集譽我篇章話太虛草草翁洮一棹返指朗瓊瑤
 莫報幾躊躇

十韻遙貽百思縈何須見面使心傾青錢出手名
 千古碧水如懷號一泓花竹高低罨画路雲烟深

列女山人詩集 卷六
淺綺山城不知百尺危樓上容我江東詩瘦生

飲雪

六花飛不定吹落遍庭莎乍見分光入翻疑得月
多消寒憑綠螳眺遠失青螺却憶南湖上漁人占
一蓑

尚餘煨芋火坐擁一氈溫有句頻呵硯無營早閉
門引觴招鶴語分滴返梅魂安得王維筆摹歸尺
幅存

詩巢懷同學諸子

黃雲冪冪垂空山寒溪暗水流瑩潺辭條病葉落

不已欲雪未雪天愁顏山人抱膝山樓上開窓指
算千烟鬟呼酒斟酌遣岑寂悶如亂草彌難刪憶
我同門際高會紅箋翠傘堆爛班豪氣互發凌天
漢誰云吾輩居塵寰紛紜南北互馳逐獨餘一我
栖松關寒林翻翻羨飛鳥成群飛去群飛還
如何如何破愁疾一髮青山青鬱律天涯不返漫
郎車名區空築騷人室六花飛後梅作花暗香浮
動溪山密青驄得得倘來歸披襟聯袂歡相暱窪
匏竹節滿凍春花前好試搖天筆樊雉籠繫不得
飛雲鴻驚擾群相失北風淒緊歲欲徂濃陰靄山

光若漆燈火青熒獨掩門猿啼鶴唳心惻慄

朱查軒招同郭外泊舟夜飲分賦

寒夜扁舟艤野塘澄湖百里接天長杯傾竹葉濃
浮綠岼壓梅花冷送香風伯有情蘇酒困星娥無
寐伴詩狂與君未得鷓行列如此消閒儘不妨

偈山

木落天宇空山遊景蕭爽雲氣觸衣裳置身絕塵
埃村墟十萬家海濤長激盪茲山環如城人作屏
藩仗蒼藤佶屈垂細路連蜷上寒鳥靜不鳴歌樵
遠奏響高岫摩青旻群峰勢皆仰坡陀小榻留境

妙心孤賞崖穿竹祖根林積狙公椽爛然金碧浮
謂是琳宮榜午磬度松寥空際餘音蕩此地老栖
禪六鑿安能攘其右清溪滌奔流逾百丈砰湃更
澄泓古鑑差相仿怪石立森森偪視何倘怳或凹
若窪尊或凸若甕盎或蹲若狻猊或列若塏壘嶺
岈恣異觀坼裂增竒想題名憶昔人今誰剪荆莽
輕風鳴松濤寒烟縈篠蕩懸巖既杳冥虛谷尤窳
窳鼓勇盡躋攀情移步能強蠟屐寧多求於此着
幾兩暮靄漸霏微夕陽低照顙何年駕鹿車晨昏
長來往

宛委山人詩集卷六

